

creditoribus ac legatariis solvere ultra hæreditatis vires. 2º. Neque attendere, quis creditorum habeat jus prælationis; ut solvere possit primo venienti, modo id faciat bona fide. 3º. Hæredi conservat actiones suas, quas ipse contra defunctum habuit, ut cum creditoribus cæteris paris fortunæ sit. 4º. Potest deducere falcidiam, sive quartam bonorum partem, si legata exhauirent hæreditatem; quod tamen ad trebellianicam non extenditur, ut hanc amittat sine confectione inventarii, ut dicetur, ubi de ultimis voluntatibus.

Dixi tamen: *legitime confectum*; nam 1º. debet fieri *justo tempore*, id est, intra tres menses a die, quo hæredi innotuit sibi delatam esse hæreditatem, computandos, sic quidem, ut intra primum mensem inchoetur, intra duos reliquos absolvatur, *L. fin. §. 1. 2. 11. C. de Jur. deliber.* nisi absint hæredes, aut bona in diversis territoriis sita sint; sic enim integer annus a tempore mortis ad perficiendum inventarium conceditur, *L. fin. cit. §. 2. 3.* 2º. Fiat *legitimo modo*; ita scilicet, ut adhibeatur *notarius*, aut cui alias id commisit magistratus, *L. fin. cit. §. 2.*; item illi, quorum interest, citentur, creditores, legatarii, ut adsint inventario, et tamen, si absint, eoram testibus minimum tribus fieri possit, *Nov. 1. c. 2. §. 1. 3º.* Ut *hæres nomen suum subscrivat*, vel si scribere non possit, specialem adhibeat notarium, qui loco ipsius coram testibus subscrivat. *L. fin. cit.*

143. Si dicas 2º. Potest quis hæreditatem partim adire, partim repudiare; ergo repudiatione saltem non amittitur hæreditas simpliciter. *Prob. Ant.* Ex *L. 20. C. de Jur. delib. in fin.* necessitas imponitur hæredi particulari facto, vel aliam, aut alias partes hæreditatis admittere, vel etiam substitutionem pupillarem; ergo supponitur hæredem posse alterutrum solum admittere.

R. N. *Ant.* Quia, ut clare dicitur *§. 3. Inst. de hæred. instit.* neque enim *idem ex parte testatus*, et *ex parte intestatus* decedere potest.

Ad prob. Ant. R. Etsi ita exstet in plerisque editionibus, Jurisconsultorum tamen consensu legendum esse, *non admittere*, quia alias disjunctio non cohæret cum precedentibus: *placuit enim nobis sive in institutione, sive in pupillari substitutione; ut vel omnia admittantur, vel omnia repudiantur, et necessitas, etc.* quibus clara asseritur data responsio.

146. Si dicas 3º. In hæredibus suis et legitimis non est necessaria aditio *L. 14. ff. de suis et legit. hæred.* quia ipso jure statim hæredes sunt; ergo neque immixtio.

R. C. *Ant.* Quia hæres suus absque aditione sive acceptatione fit statim rerum hæreditariarum dominus, et fictione juris censetur esse persona eadem cum patre in vita, ac post mortem patris, non hæreditatem, sed bonorum administrationem liberam videtur consequi. At *N. Cons.* Quia sine immixtione non succedit in omnia defuncti jura tam activa, quam passiva, quod est proprie hæredem esse.

147. Si dicas 4º. Si hæredi suo sit necessaria immixtio; ergo non differet ab hærede necessario non suo, neque ab extraneo.

R. N. *Seq.* Nam 1º. hæres extraneus ante aditionem hæreditatis delatae,

nullum habet in ea jus, sed tantummodo jus illam acceptandi. Secus est de hærede suo ex ante dictis. 2º. Hæres necessarius non suus, sive filius emancipatus, qui exiit e patria potestate facto hominis, non dispositione legis; non gaudet privilegio suitatis quoad transmissionem hæreditatis; at eo gaudet hæres suus, nec ex solo privilegio juris, sed æquitate naturali.

Neque obstat *L. 18. §. 1. C. de legitim. hæred.* quia hæredes necessarii tam sui, quam non sui, æquiparati videntur; non enim ibi æquiparantur perfecte quoad omnia; alias enim sublata dici deberet emancipatio; et in emancipato facto patris duraret adhuc potestas patria. Igitur æquiparantur 1º. Quod emancipatus possit modo succedere patri de jure civili. 2º. Quod ipsi debeatur legitima sicut nondum emancipato. 3º. Quod legitima æqualis sit respectu utriusque. 4º. Quod iisdem eam remediis possit consequi, ac quidem per 30. annos; neque nunc excludatur unius lapsu anni.

148. Si dicas 5º. Si ad aditionem, vel immixtionem necessaria sit declaratio; ergo furiosus, pupillus infans, sive nondum egressus septenium, non possent hæreditatem consequi.

R. D. *Seq.* Non possent per se ipsos *C.* per alios *N.* Pupillus infans eam per tutorem consequitur; furiosus per curatorem jure novo, *L. 7. §. 3. C. de Curat. fur.* licet, spectato jure veteri, *L. 90. ff. de acquir. hæred.* ne quidem per curatorem hæreditatem potuerit consequi.

Si dicas 6º. Pupillus potest sine auctoritate tutoris repudiare hæreditatem, vel ab ea abstinere; ergo etiam sic adire.

R. N. *Ant.* Regula enim est, quod qui hæreditatem adire, vel ei se immiscere non potest, etiam eam repudiare, vel illa abstinere non possit, *L. 18. ff. de acquir. vel omn. hæred.* Hactenus relata juris satis certi et clari sunt, quibus proin et juris et exercitii gracia quasdam, quæ remanere videntur, controversias visum subjicere.

ARTICULUS II.

QUID LEGITIMA? AN FILIUS HÆRES INSTITUTUS A PATRE POSSIT REPUDIARE HÆREDITATEM RETENTA SOLUM LEGITIMA?

149. Nota I. Hæredes necessarii non debent necessario institui in substantia, vel massa tota hæreditaria; quia nimis durum foret testatoribus, non habere liberam de rebus suis dispositionem; nec facultatem de aliis bene merendi, vel bene merentium obsequia compensandi, etiam inter ipsos hæredes necessarios. Sed satisfaciens testator, si hæredibus necessariis relinquat legitimam, sive illam bonorum portionem, quæ illis jure debetur. Pro qua cognoscenda

Nota II. Tota massa hæreditaria dividitur in uncias, sive partes 12. Duæ unciae dicuntur *sextans*, quasi sexta pars: tres unciae, *quadrans*, sive quarta pars: quatuor unciae, *triens*, tercia pars: quinque unciae, *quinquaginta*: sex unciae, *semis*, vel *semissis*, sive media pars: septem unciae, *septuaginta*: octo unciae, *bis*, id est, bis triens: novem unciae, *dodrans*:

decem unciae, *dextans*: undecim unciae, *deunx*: denique hæreditas tota, *as*; unde qui solus in tota hæreditate succedit, dicitur *hæres ex asse*.

Dico I. Legitima est illa hæreditaria portio, vel pars hæreditatis, quæ hæredibus necessariis necessario relinquuntur in testamento debet. Jure antiquo erat quadrans; *jure autem novo* aucta est, ita ut, si liberi non sint plures quam quatuor, legitima iis debita sit *triens*; si vero sint plures quam quatuor, legitima sit *semis*, vel *semissis*; quæ deinde pars vel *triens*, vel *semis* æqualiter inter liberos dividenda est, *Nov. 18. c. 1.* et *Auth. Novissima. C. de inoffic. Testam.* Hinc antiqui versiculi:

Quatuor aut infra dant natis jura trientem.
Semissim vero dant natis quinque vel ultra.
Arbitrium sequitur substantia cætera patris.

Quæ vero hæredes necessarii jam acceperunt forsitan a testatore in vivis, velut per modum dotis, donationis propter nuptias, etc. nihilominus computari debent in legitimam; nisi testator expresse contrarium voluisse, *Nov. cit. c. 6.*; item, textus et doctores in *t. t. ff.* et *C. de Collat.* ubi præsertim *Nov.* antiqua jura ex parte corriguntur. Non tamen etiam conferri sumptus debent, quos pater fecit in educandis liberis studiorum, opificii, etc. addiscendi causa.

150. Dico II. Filius hæres a patre institutus hæreditatem repudiare nequit retenta legitima. Cont. *HAUNOLD.*, *HUNNIUM*, *MANZIUM* aliosque.

Prob. I. Nemo potest hæreditatem quacumque ex parte adire, et ex parte repudiare, aut eam adire scindendo, *L. Qui totam. I. et L. Sed et si. 2. ff. de acquir. vel omitt. hæred.* Atqui legitima est pars hæreditatis paternæ; sicut enim hæreditas est successio in universum jus defuncti; sic legitima est hæreditatis ejusdem certa, sive quota, nimurum vel tertia, vel dimidia pars, *Nov. 18. c. 1.* ac *Auh. Novissima. C. cit.* Igitur nequit filius retinere legitimam, et reliquam repudiare hæreditatem, quia alias pro parte esset patris sui hæres, et pro alia non esset.

Prob. II. Legitima hodie est titulo *institutionis* relinquenda necessario, *Nov. pervenit. 115. c. 3. pr.* quia titulus institutionis est non tantum honorabilior, velut titulus sine vitulo, sed et re ipsa utilior, utpote *jus accrescendi* post se trahens, *L. 59. ff. de hæred. instit.* Igitur, cum filius legitimam non aliter, quam hæreditatis nomine possit prætendere, necesse est, ut, dum unam hæreditatis partem agnoscit, eamdem totam debeat agnoscere, cum hæreditas per supra *citt. LL.* separari non possit; et qui rem aliquam acceptat, eamdem cum omni sua causa, onere, et natura acceptare teneatur, *L. si duo. 38. ff. de hæred. instit.*

Prob. III. Si filius repudiaret hæreditatem, non posset prætendere legitimam, nec tanquam ex testamento sibi debitam, nec tanquam ab intestato: non prius; quia alias sequeretur necessario, quod pater ex parte testatus, ex parte intestatus decederet, quod repugnat juri. *Vid. cit. ante, et num. 143.* Non posteriorius; quia trita est juris regula, quod, quamdiu hæreditas ex testamento adiri potest, tamdiu non possit eadem ab intestato prætendi, *L. quamdiu 3. ff. de acquir. vel omitt. hæred.* et nemo possit omissa causa

testamenti ab intestato hæreditatem adire, *tot. tit. ff. si quis omiss. caus. testam.* Cum igitur filius a patre ex asse institutus possit legitimam suam ex testamento patris adeundo acquirere; non poterit eamdem, omissa hac causa, ab intestato prætendere.

151. Obj. I. Filius respectu debitæ sibi legitimæ est creditor patris, et pater est debitor filii; hinc enim etiam legitima pro debito nature, hoc est, tali, quod filio de jure naturali est debitum, habetur in *Nov. occupatis. 1. in prefat. §. primum.* 2. Sed quicumque creditor a suo debitore hæres institutus potest repudiata hæreditate reliqua sui debitoris exigere debitum *arg. L. 5. C. de hæred. Act.* quia videlicet creditum et debitum tantum per additionem hæreditatis confunditur, non vero per ejusdem repudiationem, *L. cit. 5.*; ergo etiam filius, cuius creditor sui patris idem poterit.

R. D. Ant. Est respectu legitimæ patri suo creditor propriæ et vere talis *N.* Analogie et impropriæ talis *C.* Verus et propriæ talis creditor non est, cum legitima, ut dicit determinatam a jure portionem, inventum et creatura præcise juris civilis sit, quæ non debetur, nisi deducto omni ære alieno. Ac licet pater respectu legitimæ possit dici impropriæ debitor filii, lata tamen est inter hoc et aliud debitum differentia; legitima est pars vel quota hæreditatis, noui aliud debitum; hinc mirum non est posse creditorem verum, petito suo debito, repudiare hæreditatem, quin idem possit filius retenta legitima.

152. Obj. II. Legitima non est pars hæreditatis, sed solummodo bonorum paternorum; ergo ruit fundamentum conclusionis. *Prob. Ant. 1º.* Quia legitima non est prestanta, nisi deducto omni ære alieno, *L. Papinianus. 8. §. quarta. 9. ff. de inoffic. Testam. 2º.* Quia quarta bonorum vocatur *L. cum queritur. 6. C. de inoffic. Testam.*; ergo non est pars hæreditatis, sed quid ab hac separatum; ergo revera prætendi potest hæreditate repudiata.

R. N. Ant. Debet enim relinquere titulum institutionis, juxta *LL. in Concl. cit.* vocatur *triens*, *semis*, que vocabula non nisi certam hæreditatis quotam denotare, plus quam satis patet ex *L. 30. §. 3. ff. de hæred. instit.* et *§. 5. Inst. eod.* Quibus adde leges alias quæ legitimam partem hæreditatis non minus clare et absolute pronunciant, ut *L. 27. §. 13. ff. ad SC. Trebell. L. 36. §. 1. C. de inoffic. Testam. L. 28. de Legat. 2. juncta Glossa.*

Ad prob. 1º. R. N. Cons. Quod enim legitima non nisi deducto ære alieno solvenda sit, est propterea, ut possit iniri computus quantitatis legitimæ, cum legitima tanquam improprium et quasi debitum cedere debeat æri alieno et expensis funebribus tanquam debito vero ac proprio.

Ad prob. 2. R. D. Dicitur pars bonorum legitimæ, sumendo bona impropriæ, in sensu latiore pro ipsa hæreditate materialiter *C. secus N.* Ut deducitur argum. *L. 14. §. finali. ff. ad SC. Trebell. tum*, quia absolute alias pars hæreditatis dicitur, sequitur, dum quarta bonorum dicitur, bona sumi impropriæ. Demum jure novissimo est *triens*, vel *semis*, *Nov. 18. cit. sup.*

153. Obj. III. Legitima est relinquenda liberis et tradenda absque omni onere, *L. 30. et 32. C. de inoffic. Testam.* quia est potius portio legis et juris

provisio, quam hominis, sive testatoris patris *arg. L. 7. pr. ff. de bon. damnat.* at vero onus satis grave esset adhaerens legitimæ, si filius, eam acceptando, hoc ipso totum hæreditatis onus portare cogeretur; ergo.

R. D. M. Est relinquenda absque omni onere a testatore ipsi imposito *C.* imposito a lege *N.* Testator pater non potest legitimam aliquo gravare onore, sed eam plane liberam debet relinquere. At onus hoc legitimæ non pater, sed lex imposuit, quæ filio legitimam dare non vult, nisi sub conditione, ut simul agnoscat reliquam hæreditatem patris. Imo non est hoc onus legitimæ, sed generalis et justa legis dispositio, ut nemo pro parte hæres, pro parte non hæres; ex parte testatus, ex parte intestatus esse possit; idque propter bonum publicum, ne, securus, etiam onera hæreditaria pro parte subeantur, pro parte non, cum maximo creditorum et legatariorum præjudicio.

154. Obj. IV. 1º. Patronus potest substituto relinquere hæreditatem a liberto relictam, retenta portione sibi debita, *L. 41. ff. de bon. Libert.* Si substitutum habebit, accepta debita portione, cætera pars ad substitutum perveniet. Ergo a pari. 2º. Si quid filius a patre in vivis obtinuit, retinere hoc potest, et tamen reliquam ejus repudiare hæreditatem; ergo et hic. 3º. Ex hac sententia sequeretur, quod pater posset filium privare legitimæ, saltem per indirectum, scilicet sub conditione, si hæreditatem paternam esset repudiatur; quia hoc casu etiam legitimam non acquireret: sed hoc repugnat *L. 8. §. 9. ff. de inoffic.* *L. 30. 32. C. de inoffic. Testam.*

Ad 1º. *R. D. Cons.* Si etiam filius in hæreditate patris haberet substitutum, ut patronus *L. cit. C.* Cum non habere supponatur *N.* Si filius in hæreditate patris substitutum haberet, nihil impediret, quo minus, retenta legitima, posset repudiare hæreditatem reliquam, quia tunc cessarent rationes plerisque; sic enim nec pater partim testatus, partim intestatus decederet: hæreditas non adiretur scindendo: nullum metuendum creditorum et legatariorum præjudicium, cum in hæreditatem succederet substitutus; sed, hoc facto supposito, cessaret controversia, quæ in eo maxime hæret, an, quin substitutum habeat, possit repudiare hæreditatem retenta legitimæ? ac respondetur negative.

Ad 2º. *R. Disparitas est clara,* quod nec donata inter vivos (idem est etiam de legato) sint pars hæreditatis, qualis tamen est legitima.

Ad 3º. *R.* Hanc conditionem non videri ab ipso esse patre adjectam, sed subintrare tacite ex dispositione legis prohibentis, consequenter neque absurdum potest haec conditio ipso a jure probata.

ARTICULUS III.

AN PER SUBSTITUTIONEM PUPILLAREM TACITAM A SUCCESSIONE LIBERORUM EXCLUDATUR MATER?

Status controversiae ex hoc casu relucet: testator pater hanc fecit substitutionem pupillarem: *si filius hæres non erit, Caius esto,* quæ est pupillaris tacita contenta sub expressa vulgari. Mortuo patre filius vere fit hæres, aditque hæreditatem. At postea temporis moritur filius sine hærede suo, vel

adhuc in pupillari ætate. Jam queritur quis succedat, an adhuc Caius exulta matre filii? an vero ipsa mater, non Caius? Unde quæstio non in eo versatur, utrum, si filius non esset hæres, ut, quia esse nollet, tunc succedit Caius? certum enim est, tunc Caium, non matrem succedere; hoc enim saltem vult clare data substitutio.

155. Dico. Per substitutionem pupillarem tacitam mater a successione liberorum non excluditur.

Prob. I. Mater a successione filii arceri, ac suo jure privari non potest, nisi hoc nominatim a lege, vel testatore sit expressum, *arg. L. 14. §. 14. de Relig. et sumpt. fun. Nov. 2. c. 3.* ac ratio est, quia alias jus matris certum ipsique a jure constitutum manet in possessione; sed in casti dato neque per testatorem, neque per legem aliquid expressum est; ergo in hoc mater a successione filii arceri non potest. *Min.* constat inde, quod in jure textum, qui hanc matris exclusionem probaret, reperi non sit. Præterea cum dubium sit, an pater ita substituendo excludere voluerit matrem filii, an non? interpretatio fieri debet juxta dispositionem legis, qua successio ab intestato defertur; ordinarie enim in dubio causa testati declaratur ac regulatur a causa intestati; ergo etiam hanc substitutionem sic interpretari oportet, quod pater matrem excludere non voluerit; tum etiam propterea, quod, si excludere matrem voluisse, facile id potuisse exprimere, *L. unica. §. 11. in fin. C. de cad. toll.*

156. Prob. II. *L. fin. C. de inst. et subst.* hic casus proponitur: Testator habens uxorem prægnantem, eam hæredem instituit ex parte; ex altera vero parte ventrem, sive foetum, cui, si natus non erit, substituit Caium: editur partus, fitque hæres patri, verum adhuc in pupillari ætate moritur: queritur, an substitutus admittatur ex substitutione pupillari tacita, si quidem substitutus substitutione vulgari expressa: *si natus non fuerit,* id est, *si hæres non erit;* an vero mater substituto sit præferenda? Et responderetur in *L. cit.* matrem substituto preferri; ergo ex *hac L.* satis perspicue licet colligere, quod substitutus pupillaris tacita non æque, ac expressa excludat matrem a successione liberorum.

Respondent Adv. quod in *cit. L.* mater sit data filii cohæres. Sed contra est 1º. Quod Imperator in *cit. L. fin.* principaliter se non fundet in eo, quod mater data sit cohæres filio; sed in hoc, quod iniquum sit, matrem, ad quam summus mœror ex filii morte pervenit, et amissi filii, et luctuosæ hæreditatis damnum sentire ex sola sub intellecta pupillari. Quæ ratio haud dubie etiam locum habet in casu, quo mater cohæres data non fuit.

2º. Quod in *cit. L.* dicatur, ideo magis luctuosam hæreditatem capere matrem, quia est cohæres; nam particula *magis* alterius casus non exclusiva, sed implicativa est.

3º. Quod hujus ipsiusmet legis verba finalia omne videantur præcidere dubium, dum inquit Imperator, matrem esse preferendam substituto, ita ut non alias velit venire substitutum, quam si mater non est in medio; ergo Imperator se unice in matre fundat; sed etiam in nostro casu mater est in medio.

Prob. III. Substitutione pupillaris ex tacita voluntate patris præsumitur,
III. p. 2.

ut dicitur L. 4. ff. de *Vulg.* et *Pupil.* subst. atqui præsumptio nihil operatur, si ei resistat æquitas, L. 19. pr. et §. 4. 5. ff. de *capt.* et *postlim.* *revers.*; ergo nec in nostro casu aliquid ea præsumptio operabitur, cum æquitas non suadeat, matrem a successione pupilli per tacitam pupillarem excludi, arg. L. 15. de *inoffic.* *Testam.* et L. 7. in *fin.* unde *liberi.* item L. *fin.* C. de *inst.* et *subst.* de qua ante in prob. 2^a. Non enim debemus substitutionem pupillarem tacitam ita adjuvare, atque interpretari ex præsumpta solummodo testatoris mente, ut in odium mœstæ matris extendatur eo, ut illa a filii sui impuberis successione sibi propter mortalitatis turbatum ordinem ex commiseratione et pietate debita excluderetur. Igitur ruit contraria sententiae fundamentum in illa præsumptione ex tacita voluntate patris constitutum. Nihilominus

157. *Obj. I.* Excluditur mater a substituto per substitutionem pupillarem expressam; ergo etiam per pupillarem tacitam, utpote sub expressa vulgari contentam.

R. C. *Ant.* quod claris constat textibus L. 8. §. 3. ff. de *inoffic.* *Test.* item c. si pater. 4. de *Testam.* in 6. At N. *Cons.* Ratio disparitatis est, quia dum alicui expresse pupillariter substituitur, tunc mens et verba testatoris per se clara et certa sunt, quod voluerit magis substitutum succedere, quam ipsam matrem: at dum tacita pupillaris substitutio in expressa vulgari continetur, neque ex verbis, neque ex mente testatoris sufficienter potest colligi, an voluerit a substituto matrem excludi; ac solum præsumptive arguimus, testatorem hoc, vel illud voluisse; sed præsumptiones in alterius injuriam trahi non debent, neque eo extendi, ut repugnant æquitati.

Si urgeas: Taciti et expressi eadem virtus est, L. 3. ff. de R. C. L. 32. ff. de LL. L. 2. C. de *Pact.* ubi hoc partim terminis expressis, partim æquivalentibus asseritur; ergo si mater excludatur per substitutionem pupillarem expressam, etiam excludetur per tacitam.

R. D. *Ant.* Taciti et expressi eadem virtus, ubi eadem est, vel manet ratio C. Si diversa sit utriusque ratio N. At in præsenti controversia diversam esse rationem substitutionis pupillaris tacite et expressæ, constat satis ex hucusque dictis. Expressa vocat absolute substitutum, ac proinde matrem a successione removet: tacita autem substitutum absolute non vocat; sed tantum ex præsumpta testatoris mente, quæ præsumptio contra matrem habere locum non potest, nec debet.

158. *Obj. II.* Substitutio facta in casum unum, etiam facta censemur in alterum, L. 4. ff. de *Vulgar.* et *Pupillar.* subst.; ergo si substitutus in unum casum prefertur matri, velut per pupillarem expressam, etiam substitutus in alterum casum, videlicet vulgarem, preferendus est matri.

R. 1^a. D. *Ant.* Substitutio facta in casum unum, etiam facta censemur in alterum, si mater non sit in medio C. Si sit in medio N.

R. 2^a. D. *Ant.* Substitutio in unum casum facta, censemur etiam facta in alterum, ita ut substitutio in utroque casu eosdem omnino semper effectus habeat N. Secus C. *Ant.* et N. *Cons.*

159. *Obj. III.* In L. 45. ff. de *Vulg.* et *Pupill.* subst. ait Jurisconsultus:

Aliter, si ejusdem ætatis liberi instituti, invicemque substituti fuissent, tunc enim altero defuncto intra pubertatem ejus successio non ad matrem, sed ad substitutum fratrem ejus devolvitur; ergo revera mater a substituto excluditur.

R. D. *Cons.* Ergo mater excluditur, si intervenit substitutio reciproca C: Si pupillaris tacita N. In casu Leg. cit. a patre non fuit facta substitutio vulgaris, quæ in se tacitam pupillarem continet; sed reciproca, per quam utique mater excluditur; quia substitutio reciproca utramque, hoc est tam vulgarem, quam pupillarem expressam in se continet.

160. *Obj. IV.* Non est locus legitimo, quamdiu speratur hæres ex testamento, L. 2. et 69. ff. de *acquir.* hæredit. Atqui, quando adest substitutus, etiamsi mater in medio sit, tamen adhuc speratur hæres ex testamento, nimis subtitutus; ergo si adest substitutus, hæredi legitimo locus non est. *Subs.* Sed mater est tantum hæres legitima; tantum enim ex dispositione juris admittitur; ergo.

R. N. *min.* Hoc ipso enim, quod mater sit in medio, adita per impubrem hæreditatem, statim desinit esse locus substituto, qui, si mater in medio non fuisset, admissus fuisset ex testamento.

161. *Obj. V.* L. 8. C. de *impub.* subst. tanquam privilegium singulare tribuitur militi, quod substitutio facta in casum primum, sive vulgarem, si hæres non erit, evanescat per hoc, quod impubes patri militi hæres extiterit, adeoque, impubere mortuo, locus sit matri ad successionem in bonis et patris, et etiam filii; ergo hoc privilegium non est trahendum ad casus alios, aliasque substitutions; quin potius dicendum contrarium, cum, juxta vulgatum, exceptio firmet regulam.

R. N. *Ant.* Etsi enim in cit. L. 8. militis fiat mentio, non tamen inde sequitur, esse hoc militare duntaxat privilegium; eo quod Imperatores rescribant secundum jus commune, quod etiam amplexus est JUSTINIANUS L. *fin.* C. de *inst.* et *subst.*

ARTICULUS IV.

QUID JUS ACCRESCENDI? AN AD EMPTOREM HEREDITATIS TRANSEAT?

162. *Dico I.* Jus accrescendi est jus, quo hæreditatis, aut alterius rei mortis causa relictæ portio vacans accedit alteri parti a conjuncto agnitiæ ad conservandam hæreditatis individuatatem, et testatoris, vel legantis voluntatem, L. 53. ff. de *acquir.* hæred. Unde fundamentum juris accrescendi est voluntas testatoris præsumpta, qui vacantem portionem potius ad eum creditur voluisse pervenire, cui jam eamdem rem reliquerat, quam ad alium, L. 4. 58. 61. in *fin.* ff. de *legat.* 2. In hæreditate aliud adhuc subest fundamentum singulare, scilicet hæreditatis individuas; hæres enim cum defuncti personam repræsentat, L. 24. ff. de V. S. non potest partem hæreditatis agnoscere, et partem repudiare juxta Art. II. imo in hæreditate testamentaria pro jure accrescendi etiam hæc militat ratio, ne quis pro parte testatus decebat, et pro parte intestatus, L. 7. ff. de R. I.